

政畧

陽曲縣志卷十二

甘棠詠召公鄭人歌子產自古政蹟尙矣近志或繫政蹟於職官後或名宦鄉賢統以列傳目之失其宜矣蓋凡官斯土者有以振作一方興利除弊遺德在民卽當尸而祝之否則一時循良便紀一時善政以治爲重而他事皆在所輕故曰畧列傳首標姓名次叙官闕史家一定之例也政畧以官標首亦顧名思義之旨舊志以知縣縣丞以下分類編次不以歷官先後爲序非政畧之意故不從

□知縣馮衍字敬通野王之孫幼有奇才王莽時諸公多薦

陽曲縣志

卷十二

政畧

一

舉之辭不仕著顯志賦以自勵後仕爲邑令建武六年日食衍上書陳八事帝將召見衆排之遂得罪歸

金知縣史純大定間以忠顯校尉行邑令撫馴其民烈石祠有禱雨感應碑記

知縣周鼎定襄人未十歲涉獵六經應童子舉越八年以進士授五臺主簿遷邑令有爲有守惠洽士民興定間城陷與妻子俱死祀名宦

元教諭顏瑜曲阜人復聖公五十七代孫以行誼舉教諭訓迪士子殷勤不倦被賊執罵不絕口死祀名宦

**明**知縣劉因鹽城人正統初以布政使檢校知縣事清廉明敏善政著於一時累官順天府治中祀名宦  
知縣王節定陶人成化間由靜樂縣調任禮賢下土均賦愛民去後人猶思之

知縣宋賓陝西中部舉人成化十七年任博詢民隱抑制豪強陞陝州知州

知縣陳溥鄆陵人進士正德間任勵行剛貞當官勤慎敷教愛民擢監察御史首劾權奄朝堂震肅陞戶部主事祀名宦

陽曲縣志

卷十一 政畧

二

縣丞王珠鹽山人嘉靖間以吏員任才識明敏折獄能晰情僞善應對嘗議欵塞外言辭侃侃聽者悚然尋擢大同府通判祀名宦

知縣張景河南汝寧人嘉靖四年以進士任精敏剛潔甫下車問民疾苦抑豪縱蒐蠹隱聲價赫然期年政化大行創陽曲縣題名碑自洪武起彙次刻石樂平尚書喬宇記舊志皆缺今據記補人

知縣于天經山東冠縣進士萬歷十四年任清勤愛民初蒞任卽策欵段隨二隸巡行阡陌間勸課農桑倦則止僧

舍炊脫粟飯有迎以壺漿者却不受庭訟甚簡歲饑

徵調受譴責不爲動尋以艱去邑中父老攀轅者數千人  
祀名宦

知縣徐守謙洛陽進士萬歷中由榆次調任果斷明肅剖  
決如流治行大著擢監察御史未任卒於京士民懷德立  
石誌之祀名宦

縣丞李選陝西白河監生萬歷八年任雅度清操聽訟多  
平反時邑令屈灼政尙嚴肅選以寬大佐之深洽民心擢  
知縣去父老遮道攀留祀名宦

陽曲縣志

卷十一

政畧

三

知縣周永春金鄉進士萬歷三十年任念省會習俗奢侈  
以崇節儉恤災疲爲首務時藩封豪宗橫肆多誣陷平民  
春悉裁以法蒞任五年化行惠溥擢禮科給事中祀名宦  
知縣李元通州進士萬歷間由祁縣調任平恕廉明革一  
切剝削之苦民至今德之兩地皆立祠

知縣宋權商邱人崇禎六年以進士任才猷敏練政治平  
易清賦稅平徭役招撫流亡作興學校待士民如子弟至  
胥役不少寬假邑有蠹役某廉之立斃杖下比陞代民擁  
泣馬首信宿始出城所過鄉邨兒童婦女皆攀轅流涕今

大堂穿廊懸手書小匾云黃口兒依母賣兒還母錢分明  
割己肉何待別人憐詩四句書法尤秀古仕至遵化巡撫  
內院大學士諡文康祀名宦有生祠碑記詳文徵  
知縣任孔當濟寧州進士崇禎十三年任俯循民隱興革  
利弊時久旱步禱百里外未至城大雨如注尋以憂去攀  
轅泣送者甚衆

知縣彭而述鄧州人崇禎十四年任捐金修城募民兵三  
百人號太原忠義營甲冑旗幟具備又買馬騾四百頭捐  
乘馬四匹給驛傳歲饑煮粥哺饑民新修城南狄公祠並

陽曲縣志

卷十一

政畧

四

矜其後裔自中丞以下各捐俸置祀田撰梁公譜系祀田

記據府志  
補入

國朝知縣牛應徵河南林縣進士順治二年任才猷精敏肆應  
不窮每大兵過頓置有法民獲安堵時晉初定軍丁驕悍  
不奉約束應徵嚴治之無少貸猾吏奸胥畏如神明 國  
初時第一循良吏也

主簿何顯祖順治元年任署忻州事有幹濟聲六年姜  
之變督糧於鄉中途遇賊被害贈太原左衛經歷一  
陷死之祀忠烈祠

知縣吳三畏山東曹縣舉人順治九年任崇儒重上凡諸生公謁者以禮相接季考月課手自批閱開導懇切代去以錢糧欠額不得歸士民助之

知縣胡虞潢湖廣武陵人順治乙未進士十三年任向以文章自命性清介甘淡泊偶鄉人來謁所贈多失望虞潢曰吾不能懷官箴爲若輩計耳秩滿遷行人束裝蕭然上官憐之

知縣宋時化浙江山陰吏員康熙五年任心慈才長捐俸修文廟刊行鐸書慨然有志復古遇旱取水百里外繫舟

陽曲縣志

卷十一

政畧

五

山跪禱三日大雨如注擢山東登州府同知官至副使知縣戴夢熊浙江浦江人例監康熙十五年任時值流賊蹂躪之後政持大體才能肆應聰察精敏吏胥抱牘而已蒞任六載餘收拾瘡痍修舉廢墜凡利弊當興革者知無不爲爲無不盡甫下車卽創設四路義學以訓貧家子弟月兩課士躬親督率起送應試之典久廢不行依舊例復之兩庠八蜡文昌狄公等祠毀者悉行修建寶賢堂法帖晉藩世子源所刻遭兵燹缺五十餘石鐫補以成全璧慮風俗之偷也則刊刻

上諭講明鄉約導民之習勤也則散紡車以教績織勸栽種以教樹藝戒民之靡惰也則損賽會而糜費以節懲賭博而遊手知儆誠民鬻身發天性以示之則仁在愚氓畀錢乳母收棄嬰以育之則仁在小兒置漏澤園拾枯骨以瘞之則仁在死者設粥局以哺流亡則仁在饑民至于嚴保甲備賑粟慮周法密不辭勞瘁院司下其事於各州縣令永式焉遇旱徒步祈禱且投牒各神宇曰乞賜一場雨願減三年壽其誠廛民瘼如此巡撫穆上章保舉蓋宋文康後僅

一人也

上戴志

陽曲縣志

卷十二

政畧

六

知縣唐廉四川遵義舉人康熙三十六年任性儉樸衣布衣不曲事上官中吏議罷歸未幾再起知邑事卒不少屈接紳士以禮絕請託飭法者按治不少貸馭吏嚴而有恩前後蒞任七年解組時敝車羸馬行李蕭然而已

知縣沈一葵福建詔安進士康熙五十七年任縣值大旱

步禱小五臺山甘霖大沛

上府志

教諭李方夔曲沃舉人康熙六年任學問淵博品行端方嚴於自修勤於課士甲寅奉督學檄纂修通志越九年而始竣推陞府學教授會邑令戴公夢熊重修邑乘延方

及其弟方芄方菴參訂編輯卽今舊志也

知縣高宮璽直隸昌黎舉人乾隆四十一年任勤政愛民  
撫馭有方不曲事上官而上官無不刮目相待陞忻州知  
州

知縣單燾山東高密舉人乾隆四十二年任承高之後加  
以嚴明吏輯民安至今父老傳聞稱好宮者無不知有高  
與單云陞霍州知州

知縣蔣維澧江蘇青浦副貢乾隆五十六年任馭奸以法  
待士以禮去莠扶良四境晏然惟補修學宮一事草草完

陽曲縣志

卷十一

政畧

七

結未洽人心陞廣東連州知州

典史柏永瑞內務府正黃旗監生乾隆五十九年任才具  
明敏勤於庶務不以職微而弛事歷十五年如一日

知縣郭晉雲南河陽舉人嘉慶元年任慈祥仁厚不尙嚴  
苛洵陞太原府知府

知縣劉斯裕江西南豐舉人嘉慶二十二年任清勤自勵  
無廢事無滯獄洵陞太原府知府

知縣文壽華廣西鬱林州進士道光五年任廉明慈惠庭  
無冤獄邑苦差繁稟請以軍差協濟車馬屬他州縣民困

少甦邑北境連年見蝗親身督捕蝗不爲災陞霍州知州  
知縣宣麟奉天吉林恩貢道光八年任精明廉幹案無留  
牘約束胥吏嚴緝匪徒克頑斂迹地方肅清有能吏名陞

平定州知州

上新增

陽曲縣志卷十二

陽曲縣志

卷十二

政畧

八